

25.229

ԳՐԱԴԱՐԱՆԱԿԱՆ ԳՐԱԴԱՐԱՆԻ, ՄԻԱՑԵՔ

ԹԵԶԻՍՆԵՐ

ԽՆԱՅՈՂԱԿԱՆ ԳՈՐԺԻ
ՀԱՄԱՄԻՈՒԹԵՆԱԿԱՆ III ԿԱՄՊԱՆԻԱՅԻ
(«ԱՄՍՈՐՑԱԿԻ») ԱՌԹԻՎ

ԲԱՆՎՈՐՆԵՐԻ ՅԵՎ ԽԱՌԱՅՈՂՆԵՐԻ
ԺՈՂՈՎՆԵՐՈՒՄ ԶԵԿՈՒՅՈՂՆԵՐԻ ՀԱՄԱՐ

ՀԱՅԿԱՆ ԿՆԵՆՏԻՆ ԸՅՈՂԱԿԱՆ ԳՐԱԴԱՐԱՆ

ԵՐԵՎԱՆ

1980

Ե. ՄԵԱՆԻՍՅԱՆ

ԱՅԺԻ

Публичная Библиотека

23.229

332.2
Բ-38

11 8 APR 2013

115 JAN 2010

uv

ՀԱՅԳՈՂԻԳՐԱՅ
Գրառեպլար 40-0 ք.
Պատվ. № 1675
Տեղաժ 2000

1. ԾԱՆՐ ԻՆԴՈՒՍՏՐԻԱՅԻ ԱՌԱՋՆՈՐԴՈՂ
ԴԵՐԸ ԽՍՀՄ-Ի ԺՈՂՈՎՐԴԱԿԱՆ ՏՆՏԵՍՈՒ-
ԹՅԱՆ ՍՈՑԻԱԼԻՍՏԱԿԱՆ ԶԱՐԳԱՑՄԱՆ
ԳՈՐԾՈՒՄ.

Կենսագործելով սոցիալիզմի գործնական
չինարարության համաչխարհային պատմա-
կան խնդիրը, աշխարհի առաջին Աշխատանքի
Հանրապետությունը զարգացնում է մեր ար-
դյունաբերության և գյուղատնտեսության
վերակառուցման մեծ գործի ամենաարագ
տեմպերը սոցիալիստական սկզբունքներով:

Բանվոր դասակարգը, հենվելով չքավո-
րության վրա, դաշնակցած գյուղացիության
միջակային մասսաների հետ, կոմունիստա-
կան կուսակցության ղեկավարությամբ, խո-
շոր տնտեսական հաջողություններ ձեռք բե-
րեց, վերոնք չեն ժխտվում նույնիսկ ամենա-
անհաշտ դասակարգային թշնամիների կողմից:

Մեր յերկրի միլիոնավոր աշխատավոր-
ները, ահագին եներգիա, ստեղծագործական
նախաձեռնություն և ինքնագործունեություն
են հայտարարում ԽՍՀՄ-ի սոցիալիստական
ինդուստրացման հնգամյակը կենսագործելու

14913-57

համար, մեր յերկիրն ագրարա-ինդուստրիալ յերկրից առաջավոր ինդուստրիալ-ագրարա-յին յերկրի կերպարանափոխելու համար:

Հաղթահարելով խոչընդոտներն ու դժ-վարությունները, մերկացնելով և լիկվիդա-ցիայի յենթարկելով գլխավոր գծից շեղվելը, (աջ ոպորտյունիստական թեքումը և տրոց-կիստական թեքումները), կոմունիստական կուսակցությունը պրոլետարիատի և գյուղա-ցիության չքավորա-միջակային մասսաներին հաստատուն տանում և սոցիալիստական տըն-տեսության հաղթական շինարարության ու-ղիով, չահագործողների դասակարգի—կու-լակներին և նոր բուրժուազիային ամբողջովին վոչնչացնելու ուղիով, վորպես դասակարգի խորհրդային պետության մեջ, այդ դասա-կարգի հուսահատական դիմադրության պայ-մաններում:

Մենք գործնականորեն կենսագործում ենք —«Տեխնիկա-տնտեսական տեսակետից հաս-նենք և առաջ անցնենք առաջավոր կապիտա-լիստական յերկրներին ամենակարճ պատմա-կան ժամանակամիջոցում» խնդիրը:

Դրա համար մենք զարգացնում ենք շի-նարարության առավելագույն տեմպերը, հաղթահարելով բոլոր և ամեն տեսակի դժվա-րությունները և խոչընդոտները մեր ճանա-պարհին:

Ամբողջ ժողովրդական տնտեսության ա-ռաջնորդող սկզբունքը, նույն թվում և գյու-

ղատնտեսությանը, հանդիսանում և ծանր ին-դուստրիան (արդյունաբերությունը): Մեր առաջին պլանի վրա կանգնած և գործիքների և արտադրության միջոցների առավելագույն զարգացման խնդիրը:

Կառուցվում են նոր գործարաններ, ֆաբ-րիկաներ, հանքահորեր, մետաղագործական, մեքենա-կառուցողական հսկաներ, հայոցի վառարաններ, նավթային վիշկաներ. կա-ռուցվում են հսկա-եկեքարոկայաններ, վո-րոնք յերկիրը կծածկեն ելեքտրական հաղոր-դիչների ցանցով. շարժիչ ուժի և «Ելլիչի ճրագը» նրանք կտանեն քաղաքն ու գյուղերը, բանվորական ավանները, կոլտնտեսություն-ներն ու խորհատնտեսությունները:

Վերակառուցվող գյուղատնտեսության տակ տեխնիքական նոր բազա յե դրվում, ա-րագ տեմպով գործարաններ և ֆաբրիկաներ են կառուցվում, վորոնք գյուղատնտեսությու-նը կապահովեն անհրաժեշտ քանակի տրակ-տորներով, կոմբայներով և արտադրության ուրիշ բարդ գործիքներով, քիմիական պա-րարտանյութերով և վնասատուների դեմ պայքարելու միջոցներով:

Դա ամրապնդում և սոցիալիստական քա-ղաքի և վերակառուցվող գյուղի միջև յեղած արտադրական կապը, քաջալերում և գյուղա-տնտեսությունը սոցիալիստական հիմունքով ամենաարագ կերպով կառուցելը և խոշոր հա-մայնացված գյուղատնտեսություն ստեղծելը,

կոլտնտեսական և խորհտնտեսական շինարարության զարգացումը, մեքենայա-տրակտորային կայանների կազմակերպումը: Այս բոլորը տանում են դեպի բերքատվության բարձրացում, ցանքային տարածությունների ընդլայնում և այլն:

Մեր աչքի առաջ տնտեսապես հետամնաց, մանր, բաժան-բաժան յեղած գյուղացիական տնտեսությունը վերակառուցվում և վերածվում է հզոր արտադրական կոլեկտիվների. գյուղացիության չքավորա-միջակային լայն մասսաներն անցնում են հողի համայնական մշակման, գյուղատնտեսական արտադրության գործիքների համայնացման. կոլտնտեսական շինարարությունն ստանում է իսկական մասսայական ձևեր, վերածվելով կոլեկտիվացման համատարած շրջանների: 1927-28 թ. մենք ունեյինք ընդամենը 445 հազ. գյուղացիական ծուխ միացված 15,600 կոլտնտեսության մեջ. 1928-29 արդեն ունեյինք ավելի քան 1 միլիոն գյուղացիական ծուխ, միացված 61 հազար կոլտնտեսության մեջ, $4\frac{1}{2}$ միլիոն հեկտար ցանքային տարածությամբ և 240 տոկոսով աճած ընդհանուր արտադրանք, իսկ 278 տոկոսով աճած ապրանքային արտադրանք:

Կոլեկտիվացման աննախընթաց տեմպերի հետ միաժամանակ, խոշոր հաջողություններ են ձեռք բերված և խորհտնտեսությունների և մեքենայա-տրակտորային կայանների կա-

ռուցման բնագավառում: Խորհտնտեսությունների ցանքային տարածությունը և նրանց հացահատիկային արտադրանքն զգալիորեն ավելացել է: Շնորհիվ այս բոլորի, յենթադրում ենք հնգամյակի 2-րդ տարվա վերջին ստանալ գյուղատնտեսության համայնացված հատվածից ապրանքային ամբողջ հացի ավելի քան 50 տոկոսը:

Առաջնորդող սոցիալիստական արդյունաբերության զարգացման բարձր տեմպերը, ինչպես նաև գյուղատնտեսության վերակառուցման և կոլեկտիվացման բուռն պրոցեսը, — մեր յերկրի առաջ բանում են ամենալայն հեռանկարները, հենց դրանով յուրաքանչյուր աշխատավորի առաջ հրելով սոցիալիստական շինարարության պատմական պրոցեսին ամեն կերպ ակտիվ աջակցելու խնդիրը:

II. ՀՆԳԱՄՅԱ ՊԼԱՆԻ ԿԱՏԱՐՈՒՄԸ ՊԵՏԻ Ե ԱՐԱԳԱՑՎԻ.

Մեծ աշխատանքների հնգամյա պլանը հանդիսանում է մեր ամբողջ յերկրի սոցիալիստական վերակառուցման գործնական ծրագիրը: Այդ պլանով նախատեսված է ժողովրդական տնտեսության մեջ ղենել 64,5 միլիարդ ուրբլու կապիտալ ներդրումներ, նախընթաց հնգամյակում ներդրված 26,5 միլիարդ ուրբլու դիմաց: Մեր ուժերը կներե՞ն արդյոք շինարարության զարգացման այդպիսի բուռն տեմպեր:

Հնգամյակի առաջին տարվա հանրագումարներն ապացուցեցին, վոր տնտեսական շինարարության համար վերցված տեմպերը վոչ միայն կենսագործելի յեն, վոչ միայն իրական են, այլև այն կարելի յե արագացնել: Հնգամյակի առաջին տարում արդյունաբերության ամբողջ (ընդհանուր) արտադրանքի յենթադրված 20 տոկոսի աճման փոխարեն մենք ունեյինք 24 տոկոս:

Ելեքտրոկայանների ուժեղությունն աճել է 20,3 տոկոսով, պլանով ուրվագծված 14 տոկոսի դիմաց: Յերկաթուղիների ապրանքային շրջանառությունն աճել է 21 տոկոսով, պլանով ծրագրվածի 10 տոկոսի փոխարեն:

Կոտնտեսությունների աճումը շատ է հետթողել գյուղացիական տնտեսության կոլեկտիվացման բոլոր ամենահամարձակ պլանները: Նրանց ցանքերն ավելացել են 207 տոկոսով՝ յենթադրված 94 տոկոսի փոխարեն:

1929-30 թ. պետական բյուջեն հսկայական դումար է վորոչված՝ 11,3 միլիարդ ռուբլի, հնգամյակի պլանով յենթադրված 9,2 միլիարդ ռուբլու փոխարեն:

Միայն գյուղատնտեսության ֆինանսավորման վրա 1929-30 թ. վերստուգիչ թվերով ուրվագծված է 3,200 միլիոն ռուբլի, 1928-29 թ. 1,800 միլիոնի դիմաց: Միայն 1929-30 թ. ընթացքում գյուղատնտեսության մեջ պիտի ներհոսի 40.000 տրակտոր (պայմանական

10 ուժանոց), վորոնցից պիտի կազմակերպվի 102 մեքենա-տրակտորային կայան:

Մեր յերկրի պրոլետարիատը սոցիալիստական շինարարության պրոցեսում, նրա ճանապարհի վրա ծառացած դժվարությունները հաղթահարելու պրոցեսում (սոցիալիստական մրցում, անընդհատ արտադրական շաքաթ, ինքնաքննադատության ծավալելը և խորացումը, բանվորական գյուտարարության աճումը, փոխառությունների տեղավորման ակտիվ մասնակցելը և այլն), հայտարերում է հսկայական եներգիա, նախաձեռնություն և ստեղծագործություն:

Այս բոլորը մեզ տալիս է կատարյալ իրավունք և հիմք հույս դնելու, վոր ժողովրդական տնտեսության զարգացման հնգամյա պլանը վոչ միայն չպիտի կատարվի, այլև վոր այն մենք կգերակատարենք, կամ թե հնգամյակը կկենսագործենք ավելի կարճ ժամանակամիջոցում:

III. ԱՇԽԱՏԱՎՈՐԱԿԱՆ ԽՆԱՅՈՂՈՒԹՅՈՒՆՆԵՐԻ ՅԵՎ ԺԱՄԱՆԱԿԱՎՈՐԱՊԵՍ ԱԶԱՏ ՄԻՋՈՑՆԵՐԻ ԴԵՐԸ ԽՍՀՄ-Ի ԻՆԴՈՒՍՏՐԻԱԿԱՆ ՀԱՄԱՐ:

1929-30 թ. վերստուգիչ թվերը հանդիսանում են ամենակարևոր ետապը հնգամյա պլանի մեծ աշխատանքները 4 տարում կատարելու համար:

Սակայն սոցիալիստական կառուցման

տեմպերի արագացումը պահանջում է վոչ միայն հսկայական ուժերի լարումն, ենեբ-գիա, նախաձեռնություն և ստեղծագործու-թյուն, այլև ներքին միջոցների բազմատեսակ մոբիլիզացիա, սոցիալիստական տնտեսու-թյան և կառավարման բոլոր բնագավառնե-րում տնտեսելու ամենախիստ ուժեղ, ինչպես նաև բնակչության մանր և չնչին աշխատավո-րական խնայողությունների և ժամանակավո-րապես ազատ միջոցների մոբիլիզացիա բյու-ջեն մտցնելու՝ ժողովրդական տնտեսության ֆինանսավորման համար:

Արտադրության մեջ, առևտրում, կառա-վարման և մեր տնտեսության մյուս բնագա-վառներում ունեցած կորուստների դեմ վճռա-կան պայքար մղելու հետ միաժամանակ, պայքար, վորը կտնտեսի մեղ համար հարյու-րավոր միլիոն ռուբլիներ, մենք պետք է ամեն կերպ զարգացնենք մեր աշխատանքը յերկրի ինդուստրացման համար հավելյալ միջոցներ ներգրավելու գործում, մեր փոխառություն-ների և խնայողական գործի զարգացման մի-ջոցով:

Միջոցների այն ընդհանուր գումարը, վորն անհրաժեշտ է պետության, տնտեսա-կան և կուլտուրական շինարարության հա-մար, ինդուստրացման և ԽՍՀՄ-ի պաշտպա-նունակության համար, հնգամյա պլանով հաշվված է 86 միլիարդ ռուբլի: Այս գումարի ճնշող մասը կծածկվի պետական գույքերից

և ձեռնարկներից ստացվելիք յեկամուտնե-րից, արդյունաբերության ներքին միջոցնե-րից և գյուղատնտեսությունից, ինչպես նաև հարկերից: Սակայն այս բոլոր յեկամուտներն անբավարար կլինեն ժողովրդական տնտեսու-թյան շինարարության արագ տեմպը բավա-րարելու համար, վորն ուրվագծված է հըն-գամյա պլանով: Այդ պատճառով արդյունա-բերության և գյուղատնտեսության մեջ դըր-վելիք ներդրումների վորոշ մասը պիտի ծած-կվի ի հաշիվ պետբյուջեի մեջ ներգրավվող քաղաքի և գյուղի աշխատավորների աշխա-տավորական խնայողությունների և ժամա-նակավորապես ազատ միջոցների:

Հնգամյա պլանով փոխառությունների մեջ և խնայողական դրամարկիչները պիտի ներգրավվեն 6 միլիարդ ռ. միջոցներ:

Սոցիալիստական շինարարության և կա-պիտալիստական յերկրների կողմից Խորհրդա-յին Միությունը թշնամարար չըջապատելու պայմաններում աշխատավոր բնակչության միջոցների մոբիլիզացիան ԽՍՀՄ-ի ինդուս-տրացման համար հանդիսանում է մեր յերկրի սոցիալիստական վերակառուցմանը մասնակ-ցելու ամենաակտիվ ձևերից մեկը:

Փոխառությունների նշանակությունը ԽՍՀՄ-ի ինդուստրացման համար արդեն կա-տարելապես գիտակցել է քաղաքի պրոլետա-րիատը և համարյա թե բոլորը մեր փոխառու-թյուններին բաժնեգրվում են: Վատ վիճակում

ե գտնվում խնայողական գործի զարգացումը:

Պետութխառությունների հետ միասին կատարելով միանման խնդիրներ, խնայողական գրամարկղները, սակայն, նրանցից տարբերվում են նրանով, վոր պետութխառություններն աշխատավորական միջոցները մորելիզացիայի յեն յենթարկում յերկար ժամկետով, այն ինչ խնայողական դրամարկղները բյուջեն են ներգրավում կարճատև խնայողություններ, ինչպես նաև ժամանակավորապես այն ազատ միջոցները, վորոնք պիտի ծախսվեն վորոշ ժամկետներից հետո: Այն խնայողությունները, վորոնք հետ են գցվում աշխատավոր բնակչության կողմից պետութխառությունների պարտատոմսերով, պետք է մնան պետության տնտեսության տակ փոխառության ամբողջ ժամկետի ընթացքում: Առանց ծայրահեղ, անխուսափելի, ամենաանհետաձգելի կարիքի փոխառությունների պարտատոմսերը պետք է վոչ ծախել և վոչ ել դրավ դնել: Պետության փոխ տված միջոցները ժամկետից առաջ հետ պահանջելը խանգարում է կապիտալ շինարարության պլանայնությունը, վորոշ չափով կազմալուծում է այն, թուլացնելով ժողովրդական տնտեսության սոցիալիստական վերակառուցման տեմպերը: Այդ պատճառով ամեն մի աշխատավորի պարտքն է ձեռք բերած փոխառությունների պարտատոմսերը պահել մինչև վոր կլրանա ժամկետը: Իսկ կենցաղային և կուլտուրական պահանջների բավարար-

ման, հանգստի և թանկ նստող իրերի համաք պահանջվող անհրաժեշտ գումարները պետք է աստիճանաբար կուտակել խնայողական գրքույկի մեջ, ուժերը ներող գումարների սխառեմատիքական մուծումներով: Այդ մեծ ոգուտ է բերում ինչպես պետության, նույնպես և խնայողական դրամարկղի ավանդատվին: Այն փողերը, վորոնք տրվում են խնայողական դրամարկղին ի պահ, անձեռնմխելի յեն, տիրոջը յեկամուտ են բերում և հետ են տրվում նրան առաջին պահանջի դեպքում: Յերբ քաղաքի ու գյուղի ամբողջ աշխատավորական բնակչությունը կսովորի ոգավելու խնայողական դրամարկղներից, վորպես իր գանձադահից և փողի քսակից, այն ժամանակ չըջանառության մեջ գտնվող փողի հսկայական մասը հնարավոր կլինի ոգտագործել ինդուստրացման նպատակի համար, վորը և պիտի ոժանդակե մեր աճման տեմպի արագացմանը:

Խնայողական գործի զարգացման պատմությունը նախապատերազմյան Ռուսաստանում ապացուցեց, վոր բնակչության մանր «կոպեկական» խնայողություններից, խնայողական դրամարկղները կարող եյին միլիարդի գումարներ հավաքել: Սակայն այն ժամանակ այդ միլիարդները ծախսվում եյին վոչ թե արտադրողական ուժերի զարգացման վրա, այլ կործանարար պատերազմների վրա, հեղափոխական և ազատագրական շարժման դեմ պայ-

քարելու վրա, աշխատավորական մասսաների շահագործման վրա:

Ներկայումս, մեր պայմաններում, և՛ պետփոխառությունները և՛ խնայողական դրամարկղները պետք եւ կարող են հավաքել պրոլետարական պետութեան տնտեսութեան տակ յերկրում փոշիացած աշխատավորական այն խնայողությունները և ժամանակավորապես սեղատ միջոցները, վորոնք պիտի ուղղվեն սոցիալիստական շինարարութեան տեմպերի ուժեղացման, յերկրի արտադրողական ուժերի զարգացման, աշխատավորական մասսաների նյութական և կուլտուրական մակարդակի բարձրացման վրա:

IV. «ԽՆԱՅՈՂՈՒԹՅԱՆ ԱՄՍՈՐՅԱԿ»

Վորպեսզի աշխատավորական բնակչութեան լայն մասսաներին բացատրենք խնայողական դրամարկղների խնդիրներն ու ոգուտները, վորպեսզի դրամարկղները ներդրավենք աշխատավորական ավանդատուների նոր մասսաներ, ներկայումս ամբողջ Միութեան մեջ անցկացվում եւ միանվագ բացատրական կամպանիա՝ «Խնայողությունների Ամսորյակ»:

Քաղաքի ու գյուղի բոլոր աշխատավորները կոծանդակեն այդ կամպանիայի հաջողութեան, իսկ դասակարգային թշնամիները յերկրի ներսում նրա դեմ վարում են կատաղի հակապրոպագիտա: Յեւ դա հասկանալի չէ:

Նեպմանը, բոլորեկրատը, չարչին, կուլակը, յենթակուլակը և տերտերն իրենց գոյութեան կռիւում պայքարում են խորհրդային պետութեան բոլոր ձեռնարկումների դեմ, յերկրի ինդուստրացման դեմ, գյուղատնտեսութեան կոլեկտիվացման և մեքենայացման դեմ, մեր փոխառությունների դեմ, խնայողական դրամարկղների դեմ, վորոնք հավելյալ միջոցները հավաքում են սոցիալիստական շինարարութեան համար: Դա դասակարգային պայքար եւ, վորը հատկապես սուր եւ արտահայտվում աշխատանքի, յերբ կյանքը դրել եւ շահագործողների դասակարգի, նոր բուրժուազիայի և կուլակութեան լիկվիդացիայի հարցը, վորպես դործնական խնդիր, յերբ քաղաքում ու գյուղում արմատախիլ ենք անում կապիտալիստական տարրերի իսկական արմատները: Այդ պատճառով «Խնայողութ. Ամսորյակին» պետք եւ մերկացնել խորհրդային խնայողական դրամարկղների հասցեյին արվող թշնամական բամբասանքները, աշխատավորական մասսաներին պետք եւ ավելի հանրամատչելի և մանրամասն պատմել ճիշտը խնայողական դրամարկղների մասին, համոզել նրանց այն բանում, վոր պետաշխայեղադրողներին ոգնելով աշխատավորները մեծացնում են պետութեան միջոցները յերկրի ինդուստրացման համար, ոժանդակում են սոցիալիստական տնտեսություն կառուցելու, բացի այդ, իրենց համար ձեռնտու և ոգուտով ապահով պահում

են իրենց աշխատավորական խնայողությունները:

«Ամսորյակի» կամպանիայի ժամանակ ամեն մի աշխատավոր, առաջին հերթին բանվորը պետք է դառնա խնայողական գրամարկղի անդամ և գործ դնի իր բոլոր ջանքերն այնպես, վորպեսզի համոզի իր ընկերներին, բարեկամներին ու ծանոթներին իր որինակին հետևելու: Մեր փոխառությունների տեղավորման ժամանակ ամեն մի աշխատավոր իր պարտականությունն է համարում բաժնեդրվել փոխառության և գրանով ընդգծել իր սթանդակությունը ԽՍՀՄ-ի ինդուստրացմանը: Ծիշտ այդպես ել «Ամսորյակի» ժամանակ— ամեն մի բանվոր ու ծառայող պիտի ծանոթանա թե ինչ նշանակություն ունի խնայողական գործի զարգացումը պետության համար և այն ոգուտներին, վոր խնայողական գրամարկղները տալիս են յուրաքանչյուր ավանդատուն. այդ մասին պիտի պատմե իր չրջապատին, ինքը դառնա խնայողական գրամարկղի ավանդատու և ներգրավի ուրիշ աշխատավոր ավանդատուներին: Իրանով իր պետության կտու ուժերը ներածին չափ ոգուտ և կկարողանա սթանդակել չինարարության համար վերցված տեմպերին:

Փոխառություններին սոսկ բաժնեդրվելով, աշխատավորների նյութական աջակցությունը ԽՍՀՄ-ի ինդուստրացման գործում չպիտի սպառվի: Հասկանալի չէ, վոր վոչ վոք

իրավունք չունի և չի յեւ կարող բանվորին ու ծառայողին ստիպել հարկադիր կամ կիսահարկադիր կարգով խնայողական գրամարկղի ավանդատու դառնալու: Ի հարկե, «Ամսորյակն» անցկացվում է ամենակատարյալ և բացարձակ կամավորության հիմունքով և ավանդի գաղտնիքը պահելու սկզբունքով: Բայց յերբ ամեն մի բանվոր ու ծառայող գիտակցում է, թե ավանդատու դառնալով ինչ ոգունություն է ցույց տալիս պետությանը, չինարարության համար վերցված տեմպերին սթանդակելով, այն դեպքում կամպանիայի ընթացքում խնայողական գրամարկղը կներհոսեն ավանդատուներին նոր միլիոններ, վորոնք գործով կիրականացնեն մեր լոզունգը. «Բոլոր աշխատավորական խնայողությունները և ժամանակավորապես ազատ միջոցներն ինդուստրացման հնգամյակի կատարման համար»: Յերբ քաղաքի ու գյուղի միլիոնավոր աշխատավորները խնայողական գրամարկղի ոգունությամբ սկսեն կանոնավորել իրեց անձնական բյուջեն և ծրագրել իրենց աշխատավարձի ծախսումը, խնայողական գործը լայնորեն կզարգանա և կկարողանա մոբիլիզացիայի յենթարկել իսկապես խոշոր գումարներ, վորոնք կողտագործվեն պրոլետարական պետության կողմից սոցիալիստական չինարարության տեմպերն արագացնելու համար:



V ՎՈՋ ԿԱՆԻԿ ՀԱՇՎԱՐԿՈՒՄՆԵՐ (ՀԱՇ-
ՎԱՐԿՈՒՄՆԵՐ ԱՌԱՆՑ ՓՈՂԻ ՀԻՄՆԱՐԿՈՒ-
ԹՅՈՒՆՆԵՐԻ ՅԵՎ ԿԱԶՄԱԿԵՐՊՈՒԹՅՈՒՆ-
ՆԵՐԻ ՀԵՏ)

«Ամսորյակը» սոցիալիստական ինդուս-
տրացիան համար միջոցներ ժողովելու խնդրի
հետ միասին, նպատակ ունի նաև լայնորեն աշ-
խատավոր մասսաներին պարզաբանելու Փի-
նանսական և ամբողջ ժողովրդական տնտե-
սության համար վոչ կանխիկ հաշվարկումնե-
րի նշանակությունն աշխատավորական բնակ-
չության վճարումների վերաբերյալ պետա-
կան ու հասարակական կազմակերպություն-
ներին ու հիմնարկներին:

Հիմնարկների հետ առանձին անձանց հաշ-
վարկների համար գոյություն ունեցող պրակ-
տիկան կանխիկ դրամի միջոցով շատ անճը-
կուն է, պահանջվում է դրամանիշների մեծ
գանգվածներ, բազմաթիվ պահեստարաններ,
ավելորդ դրամարկղային աշխատանք և այլն:
Վերակառուցման շրջանի ամենակարելիոր
խնդիրներից մեկը հանդիսանում է նաև
դրամական հաշվարկից աստիճանաբար հը-
րաթարվելը և վոչ կանխիկ (առանց փողի)
հաշվարկումներին անցնելը բնակչության վը-
ճարումների վերաբերյալ համապատասխան
հիմնարկություններին և ձեռնարկություն-
ներին:

Խնայողական դրամարկղների խիտ ցանցը,
վորը հաշվվում է մինչև 20 հազար միավոր,

հանդիսանալով ճյուղավորված և աշխատավո-
րկան բնակչության մոտ գտնվող պետու-
թյան ապարատը կարող է և պետք է խաղա
նշանակալից դեր այդ կարեվոր խնդիրը
գործնականապես իրականացնելու համար:
«Խնայողությունների Ամսորյակի» կամպա-
նիայի ժամանակ մենք պետք է հանրամատչելի
դարձնենք համաամիսյան XVI կուսկոն-
ֆերենցիայի վորոշումը՝ ժողովրդական տնտե-
սության ֆինանսավորման և վարկավորման
սխառմի բարելավման մասին: Այդ վորոշման
մեջ կոնֆերենցիան մասնանշել է հետևյալ ան-
հրաժեշտությունը.

«... Ե՛լ ավելի լայն տարածել վոչ կանխիկ
հաշվարկումների կազմակերպման փորձը բը-
նակչության մասսայական վճարումների բնա-
գավառում՝ պետական, կոմունալ և հասարա-
կական կազմակերպություններին»:

Վոչ կանխիկ հաշվարկումները վճարում-
ների այնպիսի մի ձև է, յերբ վճարողը հիմ-
նարկություն հետ հաշիվը մաքրում է, վորին
վճարում է վոչ թե կանխիկ փողով, այլ դրա-
վոր կարգադրում է իր վարկային ընկերու-
թյան (խնայդրամարկղին կամ բանկին) իրենից
պահանջվող վճարը կատարելու մասին: Այս-
պես որինակ, յեթե բնակարանի համար բնա-
կարանային տրեստին յես պիտի վճարեմ 12
ռուբլի, կոմուն. Տնտեսությունը ջրի համար 3
ռ. 50 կ., հեռախոսային կայանին հեռախոսից
ողտվելու համար 7 ռ., ելեքտրականություն,

անդամավճարներին և այլ վճարումների համար դանադան հիմնարկություններին 10 ուրլի, փոխանակ 32 ո. 50 կ. վճարելու շատ հիմնարկությունների, ման գալով, կորցնելով շատ ժամանակ, հերթի կանգնելով, հաշվարկումները ձևակերպելու համար և այլն, յետ միանգամից կարգադրում եմ խնայողական դրամարկղին, վոր նա իմ ավանդի գումարից վճարի մատնանշած բոլոր հիմնարկություններին ինձնից հասանելիք գումարը: Այն դեպքում, խնայողական դրամարկղը դուրս ե գրում իմ դրամական հաշվից 32 ո. 50 կոպեկ և անցկացնում ե ըստ իմ մատնանշած բաշխման այն հիմնարկությունների դրամական հաշիվների հաշվին, վորոնք պիտի փողն ստանան: Այդպիսի ձևը շատ ձեռնտու յե վճարողին և միևնույն ժամանակ մեր ֆինանսական տնտեսությանը տալիս ե մեծ ոգուտ:

Ներկայումս հաշվարկումները վոչ կանխիկ փողով մտցված են խոշոր քաղաքներում՝ Մոսկվայում, Լենինգրադում, Սարկովում, Մինսկում, Թիֆլիսում, Ռոստովում, Դվլիսում, Ուֆայում, Սարատովում, Վարոնեժում, Նովո-Սիբիրսկում, Րյազանում և ուրիշ մի քանի քաղաքներում: 1929—30 թ. այդ ոպերացիաները պետք ե մտցվեն մյուս քաղաքներում և տնտեսապես հզոր չրջաններում և գյուղերում: Խնայողական դրամարկղները վոչ կանխիկ դրամական հաշվարկումների միջոցով կատարում են ձևակերպում բնակարանային

վարձի, ջրմուղու, հեռախոսի, ելեքտրականության վճարումների համար, կյանքի և գույքի ապահովագրման մուծումների համար, սոցալի տոկոսների և մի քանի ուրիշ վճարումների համար:

Վորեե անհրաժեշտ հաշիվ վճարելու համար, խնայողական դրամարկղի ավանդատուն տանը լրացնում ե ստորագրում ե կարգադրության (հրամանի) բլանկը, վրան գրում ե իր խնայողական դրամարկղի հասցեն և առանց դրոշմանչի կարգադրությունը հաշվի հետ միասին դցում ե փոստարկղ: Խնայողական դրամարկղը վճարողի ավանդից հաշիվը վճարում ե և նրան ուղարկում ե անդորրագիր վճարման մասին. անդորրագրի առաքման համար, փոստը գանձում ե 5 կոպեկ: Ավանդատվի կարգադրությամբ խնայողական դրամարկղն ինքն ե հսկում վճարումների ժամկետներին և կատարում ե անհրաժեշտ հաշվարկումները: «Ամսորյակի» ժամանակ ամեն մի բանվոր և ծառայող, ամեն մի ազնիվ աշխատավոր պետք ե վերանայի իր հաշվարկումների ձևերը հիմնարկություններին և կազմակերպություններին վճարելիք պարտադիր կանոնավոր վճարումների վերաբերյալ և վերածի այն վոչ կանխիկ հաշվարկի ձևերի (առանց փողի) իր խնայողական դրամարկղի միջոցով, իսկ դրա համար հարկավոր ե դառնալ խնայողական դրամարկղի ավանդատու:

VI Ի՞նչ ԱՐՏՈՆՈՒԹՅՈՒՆՆԵՐ, ՈԳՈՒՏՆԵՐ
ԹԵՎ ՀԱՐՄԱՐՈՒԹՅՈՒՆՆԵՐ ԵՆ ՏԱԼԻՍ
ՊԵՏԱՇԽԵՆԱՅԴՐԱՄԱՐԿՂՆԵՐՆ ԻՐԵՆՑ
ԱՎԱՆԴԱՏՈՒՆԵՐԻՆ

Ավանդատուների համար հիմնական ուղուտը հանդիսանում է ավանդի ապահովությունն ինչպես նաև այն յեկամուտը, վորը նրանք ստանում են իրենց խնայողությունները և ժամանակավորապես ազատ միջոցները խնայողական դրամարկղներին պահ տալու դեպքում:

Անժամկետային ավանդների համար ավանդատուն ստանում է 8 տոկոս տարեկան, այսինքն 100 ռ. ավանդի համար մի տարվա ընթացքում:

Ժամկետային ավանդների համար (3 ամսով, 6 ամսով, տարով և այլն) խնայողական դրամարկղները վճարում են 9 տոկոս տարեկան անհատ քաղաքացիների ավանդների համար: Վոչ ժամկետային ավանդների տոկոսները յուրաքանչյուր տարվա վերջին (30-ին սեպտ.) ավելացվում են ավանդին: Այնուհետև տոկոս տալիս է վոչ միայն հիմնական ավանդը, այլև նախընթաց տարվա տոկոսները, վորոնք միացվել են ավանդին:

Եթե ավանդատուն իր ավանդը հետ է ստանում տարվա կեսին, այն դեպքում նրան հասանելիք տոկոսն այդ ժամանակվա համար վճարվում է անհապաղ: Պետաշխխնայողամարկղին հանձնված գումարների և արժեք-

ների համար պատասխանատու յե ԽՍՀՄ-ի կառավարութանը:

Ավանդատվի առաջին պահանջի դեպքում, հենց վոր ներկայացնի խնայողություն կարող է հետ ստանալ իր ավանդի մի մասը կամ լիովին:

Խնայողական դրամարկղներում սահմանված է ավանդատուների բոլոր ավանդային ոպերացիաների վերաբերյալ կատարյալ գաղտնիք:

Բացի ավանդատուներից և նրա որինական ներկայացուցիչներից, ավանդի գաղտնիքը կարող է բացվել բացառապես դատական որդանների պահանջամբ և դատախազություն և միմիայն նրանց մոտ քննվող քրեյական գործերի վերաբերյալ:

Իսկ քննչական որդանները կարող են ավանդների վերաբերյալ տեղեկություններ պահանջել միայն դատավորի գրավոր վորոշմամբ, սակայն, նույնպես քրեյական բնույթ կրող գործերի վերաբերյալ: Ավանդների յեկամուտները խնայողական դրամարկղում ազատվում են ամեն տեսակի հարկերից և տուրքերից:

Որենքով կամ կտակով խնայողական դրամարկղները մուծված ավանդների համար ժառանգներից ժառանգական տուրքեր չեն դանձվում, անկախ ավանդների գումարից:

VII ԺԱՄԿԵՏԱՅԻՆ ԱՎԱՆԴՆԵՐ

(վորոշված ժամկետով մուծված ավադներ)

Խնայողական դրամարկղների ոպերացիայի այդ ձևն առանձնահատուկ կարևոր նշանակություն ունի յուրաքանչյուր աշխատավորի համար: Այդ ձևի նշանակությունն այն է, վոր խնայողական դրամարկղները ոժանդակում են ավանդատվին կուտակելու անհրաժեշտ գումար թանկ նստող իր ձեռք բերելու համար, արձակուրդն ոգտադործելու համար և այլն: Խնայելու այդ ձևը հետևյալն է. ավանդատուն սխտեմատիկորեն խնայդրամարկղը հավասարաչափ գումարների մուծումներ կատարելու միջոցով (յերկու շաբաթը մի անգամ, կամ յուրաքանչյուր ամիս) կուտակում է իրեն անհրաժեշտ փողը դրած նպատակի համար: Այդ խնդիրը հեշտացնելու համար ավանդատուն կարող է խրնայդրամարկղի հետ տիպարային պայմանագիր կնքել ժամկետային ավանդի համար 6-ից 12 ամիս ժամանակով: Այդ պայմանագրի հիման վրա ավանդատուն յերկու շաբաթը մի անգամ, կամ ամսեամիս դրամարկղ է մուծում վորոշ գումար: Դրամարկղն այդ մուծումները նշանակում է հատուկ փաստաթուղթ-քարտի վրա, վորը մնում է ավանդատվի մոտ: Յերբ ամբողջ կուտակվելիք գումարը վճարվում է, ավանդատուն կարող է խնայդրամարկղին վերադարձնել իր փաստա-

թուղթ-քարտը և փողը հետ ստանալ աճած տոկոսներով, կամ թե կարգադրել, վոր կուտակված փողն ավանդի փոխադրվի:

Այդ ձևի առավելություններն առաջին՝ կայանում են նրանում, վոր ժամկետային ավանդի համար խնայդրամարկղը վճարում է 9 տոկոս, իսկ յերկրորդը, վոր հենց այդ ժամկետային ավանդի փաստաթղթի վրա արդեն նշանակված է, թե կուտակողը յուրաքանչյուր յերկու շաբաթը կամ ամսական ինքչան պիտի մուծե. այնպես վոր ավանդատուն իրեն դնում է խիստ պայմանների մեջ, վորոնք ոգնում են նրան վորոշված ժամանակին կուտակել պահանջվող գումարը:

Ժամկետային ավանդների փաստաթուղթ-քարտերը լինում են զանազան գումարների՝ 12-ից մինչև 100 ռուբլի, կախված նրանից, թե այն ավանդատուն, վորը հայտարարել է ժամկետային ավանդի մասին, կես կամ մի տարվա ընթացքում ինչ գումար է ուզում կուտակել: Ժամկետային ավանդը կարող է հետ պահանջվել մինչև ժամկետի լրանալը, սակայն այն դեպքում ավանդի տոկոսները վճարվում են վոչ թե 9, այլ 8 տոկոսի հաշվով, ինչպես սովորական ավանդի համար:

VIII ՊԵՏՓՈԽԱՌՈՒԹՅՈՒՆՆԵՐԻ ՊԱՐՏԱՏՈՄՍԵՐԻ ՈՊԵՐԱՑԻԱՆԵՐ

Խնայդրամարկղները ծախում և գնում են

պաշտոնական զնով պետփոխառությունների պարտատոմսերը, վճարում են ժամկետային կուպոնները և տիրաժ դուրս. յեկած պարտատոմսերի արժեքը, ինչպես նաև շահումները:

Խնայողական դրամարկղներն ընդունում են նաև պետփոխառությունների պարտատոմսերը կառավարելու և առանց կառավարելու պայմանով: Խնայողական դրամարկղներն ստուգում են կառավարելու պայմանով ընդունած պարտատոմսերը տիրաժային աղյուսակներով և յեթե վորևե պարտատոմսի ընկել է շահում, խնայողական դրամարկղն այդ մասին տեղեկացնում է պարտատոմսի տիրոջ, իսկ շահած գումարը փոխանցում է նրա դրամական հաշվին: Կուպոնների կտրելը նմանապես խնայողական դրամարկղն է կատարում և նրանց արժեքը նույնպես փոխանցում է ավանդատվի դրամական հաշվին: Յեթե պարտատոմսերը պահ են տրված առանց կառավարելու, խնայողամարկղը չի կառավարում, ավանդատուն ինքը պիտի հսկի կուպոնների պահպանությանը և շահումներին խաղարկության աղյուսակներով:

Մինչև 200 ուրբի կառավարելու իրավունքով պահ տրված անվանական արժեքի պարտատոմսերին խնայողամարկղները հրսկում են ձրի: Իսկ յեթե պահ է տրված ավելի քան 200 ուրբի, խնայողամարկղը զանձում է յուրաքանչյուր 100 ուրբի պարտատոմսի համար 7 կոպեկ: Բանվորների և ծառայող-

ների կոլեկտիվների կողմից կառավարելու իրավունքով պահ տրվող պարտատոմսերը խնայողամարկղը պահելը և շահումներին հրսկելը ձրի յե կատարում, առանց գումարի սահմանափակման:

Պարտատոմսերն ընդունվում են ի պահ առանց գումարի և ժամկետի սահմանափակման (մինչև վոր պարտատոմսի տերը կպահանջի):

Խնայողական դրամարկղից ստացած պահ տալու վկայականով կլիյենտը հետագայում հնարավորություն ունի պահ տալու պետփոխառությունների ուրիշ պարտատոմսեր:

Պահ տրված պետփոխառությունների պարտատոմսերի համար, վորոնց համար որենքով սահմանված է փոխատվություն տալ, ավանդատուն կարող է փոխատվություն ստանալ պարտատոմսերի անվանական արժեքի մինչև 60 տոկոսի չափով: Ստացած փոխատվությունը նա կարող է մարել լիովին կամ մաս-մաս:

IX ԿՏԱԿԱՐԱՐԱԿԱՆ ՏՆՈՐԵՆՈՒԹՅՈՒՆ

Խնայողական դրամարկղի յուրաքանչյուր ավանդատու իրավունք ունի խնայողական դրամարկղի դրքույկի վրա նշան անելու կամ թե հատուկ հայտարարություն տալու միջոցով մատնանչել այն անձանց, վորոնց պիտի տրվի ավանդը նրա մահից հետո: Ընդ վորում տվյալ դեպքում պարտադիր չե, վոր

այն անձը, վորին ավանդատուն կտակում է իր ավանդը, լինի որինական ժառանգը:

Կարելի չէ ամբողջ ավանդը կտակել մի անձի լիովին, կամ թե մաս-մաս միջանի անձանց:

Այդպիսի կտակարարական տնորենություններով ավանդների հանձնումը խնայդրամարկղների կողմից կատարվում է առանց վորեւէ ձեականության ավանդատվի մահվան մասին տեղեկանք և փող ստացողի անձնավորությունը վկայող փաստաթուղթ ներկայացվելուց հետո:

Անկախ արդեն արված կտակից, ավանդատուն իր կենդանության ժամանակ իրավունք ունի տնորինելու ավանդն իր սեփական հայեցողությամբ:

Մ ԱԿԿՐԵԴԻՏԻՎՆԵՐ

Ակկրեդիտիվը հանդիսանում է փողը ճանապարհին պահելու ամենահուսալի և ապահով միջոցը:

Յուրաքանչյուր քաղաքացի, թեկուզ խնայդրամարկղի վոչ ավանդատու, յետե ցանկանում է ճանապարհին պաշտպանվել կործանից, խնայդրամարկղը մուծվող փողի փոխարեն կարող է ստանալ հատուկ փաստաթուղթ: Այդ փաստաթղթով, վորը կոչվում ակկրեդիտիվ, նրա մեջ նշանակված գումարը լիովին կամ մաս-մաս կարելի չէ ստանալ իՍՆՄ-ի բոլոր խնայդրամարկղներից (բացի գործակալական դրամարկղներից):

ՓՈՂԻ ՓՈԽԱԴՐՈՒԹՅԱՆ ՈՊԵՐԱՅԻԱՆԵՐ

Խնայդրամարկղի ավանդատուն իրավունք ունի իր ամբողջ ավանդը կամ նրա մի մասը փոխադրել ուրիշ խնայողական դրամարկղ:

Փոխադրությունը կարելի չէ կատարել փոստով կամ հեռադրով:

ԻՆՉ ՊԵՏՔ Ե ԱՆԵԼ ԽՆԱՅԴՐԱՄԱՐԿՂԻ ԳՐՔՈՒՅՎԸ ԿՈՐՑՆԵԼՈՒ ԴԵՊՔՈՒՄ

Խնայդրամարկղի գրքույկը կորցնելու դեպքում ավանդատուն պետք է հայտարարություն տա խնայդրամարկղին կորցնելու մասին, վորից հետո խնայդրամարկղը նոր գրքույկ է տալիս:

ԱՆՉԱՓԱՀԱՍ ԱՎԱՆԴԱՏՈՒՆԵՐ

Յեթե անչափահաս ավանդատուն ինքը խնայդրամարկղը փող է մուծում իր անունով, այն դեպքում ավանդը նա ինքն է տնորինում անկախ, առանց խնամակալի կամ հոգաբարձվի մասնակցության:

ՀԱՐԿԵՐԻ ՅԵՎ ՏՈՒՐՔԵՐԻ ԸՆԴՈՒՆԵԼՈՒԹՅՈՒՆ

Բացի ուրիշ հարմարություններից, վորոնք տրվում են ավանդատուներին, խնայդրամարկղները նրանցից ընդունում են զանազան հարկերի և տուրքերի մճարներ, նույն թվում և դյուղհարկը:

Ավանդատու-գյուղացին բավական է, վոր հայտարարություն տա խնայդբամարկղին, վոր ցանկանում է վճարել հարկը, կցելով նրան իր հարկաթերթը, վորից հետո վրձարման յենթակա գումարը դուրս ե դրվում խնայդբամարկղի դրքույկից, հարկաթերթի վրա նշան անելով փողի ստացման մասին:

ՄԱՆՐ ԳՈՒՄԱՐՆԵՐՈՎ, ԽՆԱՅՈՂՈՒԹՅՈՒՆՆԵՐ

Վորպեսզի հեշտացվի աշխատավորներին մանր գումարներով իրենց խնայողությունները կուտակելու հնարավորությունը, խնայդբամարկղները տանը խնայելու սխտեմ են մտցրել դրամ խնայելու տուփերի միջոցով, ինչպես նաև դրոշմանիշային խնայողությունների միջոցով:

Խնայդբամարկղներում վոչ այնքան մեծ գումարով վաճառվում են հատուկ դրամատուփեր, վորոնց բանալին բոլոր դրամարկղներն ունեն: Դրամատուփերը բաց են թողնվում վոչ այնքան մեծ վճարով— իրենց ինքնարժեքով: Աշխատավորը հնարավորություն ունի դրամատուփերում հավաքվող մանր խնայողությունների գումարները տեղավորել ժամանակ առ ժամանակ խնայդբամարկղում վորպես ավանդ: Դրա համար բավական է դրամատուփը տանել խնայդբամարկղ, վորտեղ այն բացվում է և տիրոջ ներկայությամբ հաշվվում է հավաքված փողը:

Կարելի չե մանր խնայողություններ կուտակել նաև դրոշմանիշերի միջոցով: Դրա համար բավական է սովորական թերթին փակցնել 5 կամ 10 կոպ. արժողությամբ դրոշմանիշեր:

Յերբ թերթի յերեսը լրացվի մի ուրբուր գումարի դրոշմանիշերով, այն դեպքում թերթը կարելի չե հանձնել խնայդբամարկղին վորպես կանխիկ փող:

Հենց այդտեղ ել այդ գումարի խնայողական դրքույկ է տրվում, իսկ առաջուց արդեն ավանդ մուծած լինելու դեպքում այդ գումարը միացվում է ավանդին:

ՆՊԱՏԱԿԱՅԻՆ ԽՆԱՅՈՂՈՒԹՅՈՒՆՆԵՐ

Այս ձևի խնայողությունները խնայողական գործը քաղաքում դարգացնելու համար ունեն խոշոր նշանակություն: Այդ խնայողությունների նպատակն է, վոր աշխատավորներն իրենց առօրյա դործածության համար ձեռք բերեն վորեւե իր, կամ թե կուտուր-կենցաղային նպատակի համար վորեւե ծախք կատարեն: Այսպես, որինակ, հեծանիվ գնելը, կոլեկտիվորեն ոգտվելու համար մոտորային նավակ գնելը, եքսկուրսիայի, արձակուրդն անցկացնելու համար և այլն:

ՅԵԶՐԱԿԱՑՈՒԹՅՈՒՆ

Վորպեսզի բանվորների, ծառայողների, չքավորների, միջակների մասսաները կարո-

դանան իրասպես լրիվ ոգտվել խնայողական դրամարկղների սպասարկութուններին, անհրաժեշտ ե հենց խնայողական դրամարկղների ապարատը բարելավել և մոտեցնել աշխատավորական բնակչության: Խնայդրամարկղի աշխատանքից պետք ե վտարել քաջքուկը, բյուրոկրատիզմն, անվանդատվին կոպիտ, վոչ ընկերական մոտեցումը: Խնայդրամարկղն անհրաժեշտ ե վերածել պարզ և արագ գործող ապարատի աշխատավորական ավանդատուններին սպասարկելու համար: Խնայդրամարկղների իսկական ցանցը պետք ե անմիջականորեն մոտեցնել աշխատավորական բնակչության. «Խնայդրամարկղը՝ դեպի մասսաները»:

Վորպեսզի խնայողական ապարատներին ոգնենք հաջողությամբ իրենց աշխատանքը զարգացնելու համար, վորպեսզի այդ աշխատանքը պարզեցվի, մոտեցվի բնակչության աշխատավորական մասսաներին, ձեռնարկություններին, հիմնարկություններին, դյուդխորհուրդներին կից կազմակերպված են պետվարկին և խնայողական գործին ոժանդակող հանձնաժողովներ:

Պրոլետարները պետք ե իրենց հասարակական հսկողության տակ առնեն այդ հանձնաժողովների աշխատանքը, նմանապես և խնայողական դրամարկղների աշխատանքը: Բանվորներ, ծառայողներ, մատնանչեցե՛ք խնայդրամարկղների աշխատանքի թերու-

թյունները, ակտիվացրե՛ք ձեր ոժանդակող հանձնաժողովներին, ոգնեցե՛ք պրոլետարական պետությանը կարգի բերելու պարզ ապարատ աշխատավորական խնայողությունները և ժամանակավորապես ազատ միջոցները հավաքելու սոցիալիստական շինարարության մեծ գործի համար:

Խնայողական գործը, խնայողական դրամարկղների աշխատանքը՝ պրոլետարական լայն հսկողության տակ:

ԼՈՁՈՒՆԳՆԵՐ ԱՄՍՈՐՅԱԿՆ ԱՆՑԿԱՑՆԵԼՈՒ ԱՌԹԻՎ

1. Ինդուստրացման հնգամյակի մեջ առնենք բոլոր աշխատավորական խնայողությունները: Յերկարատևները՝ փոխառությունների, իսկ ժամանակավորապես ազատ միջոցները՝ խնայդրամարկղների մեջ:

2. Աշխատավորական ավանդը խնայդրամարկղ մուծելը՝ նշանակում ե սոցիալիստական կառուցման մեջ նոր աղյուս դնել:

3. Փոխառությունների և խնայդրամարկղների դեմ են—տերտերը, կուլակը, առևտրականը. բատրակը, չքավորը և միջակը նրանց կտան հարկավոր հարված:

4. Ինդուստրացման հնգամյակին տալիս ես Ֆինանսական հզորություն. յերկարատև խնայողությունները՝ փոխառությունների իսկ ժամանակավորապես ազատ միջոցները՝ խնայդրամարկղների մեջ:

5. Ստուգիր, թե արդյոք քո ոժանդակող հանձնաժողովն ամեն ինչ արե՞լ է փոխառությունների և խնայողամարկղների համար:

6. Միլիոնավոր բանվորների և գյուղացիների աշխատավորական խնայողությունները կոժանդակեն գյուղատնտեսության արագ կրեկտիվացման:

7. ԽՆԱՅԴՐԱՄԱՐԿՂԸ — ԴԵՊՈ ՄԱՍՍԱՆՆԵՐԸ:

8. Պրոլետար, քո նյութական մասնակցությունը յերկրի ինդուստրացմանը չի լինի լրիվ, մինչև վոր խնայողամարկղի ավանդատու չդառնաս:

9. Խնայողամարկղն ոժանդակում է կուտակելու անհրաժեշտ գումարներ հառաջիկա ծախքերի համար:



ՀՀ Ազգային գրադարան



NL0209141

